

Në bazë të nenit 44 paragrafit (14) të Ligjit për Arsimin Fillor (“Gazeta Zyrtare e Republikës së Maqedonisë së Veriut” nr. 116/19, 229/20, 3/2025 dhe 74/25), ministrja e Arsimit dhe Shkencës solli

R R E G U L L O R E

për mënyrën dhe kriteret më të përafërta për organizimin dhe realizimin e garave të nxënësve në lëndë të veçanta në nivel komunal, rajonal dhe shtetëror në arsimin fillor

I. DISPOZITAT E PËRGJITHSHME

Neni 1

Me këtë rregullore përcaktohen mënyra dhe kriteret më të përafërta për organizimin dhe realizimin e garave të nxënësve në lëndë të veçanta në nivel komunal, rajonal dhe shtetëror në arsimin fillor.

Neni 2

- (1) Garat organizohen me qëllim vlerësimin dhe renditjen e njohurive, aftësive dhe shkathtësive të nxënësve në lëndë të veçantë mësimore (lëndë e përafërt ose fushë shkencore së cilës i përket lënda mësimore)
- (2) Përmbytja e garave është e përshtatur me moshën e nxënësve dhe bazohet në planet dhe programet mësimore për arsimin e fillor.

Neni 3

- (1) Garat organizohen në nivel komunal, rajonal dhe shtetëror.
- (2) Garat komunale, rajonale dhe shtetërore organizohen nga shoqata të akredituara të mësimdhënësve (në tekstin e mëtejshëm: shoqata e mësimdhënësve) sipas lëndëve të veçanta, lëndë e përafërt ose fushë shkencore së cilës i përket lënda mësimore.
- (3) Të drejtë pjesëmarrjeje në garën shtetërore kanë nxënësit që në garën komunale dhe rajonale kanë arritur rezultate në përputhje me kriteret e përcaktuara nga shoqatat e mësimdhënësve.
- (4) Nëse në nivel komunal ose rajonal nuk ekzistojnë kushte për organizimin e garës komunale ose rajonale, në përputhje me nenin 10 të kësaj rregullore, nxënësit kanë të drejtë të marrin pjesë drejtpërdrejtë në garën shtetërore.

II. QËLLIMET DHE DETYRAT E GARAVE

Neni 4

Qëllimet e organizimit dhe realizimit të garave janë:

- vlerësimi i nivelit të njohurive, aftësive dhe shkathtësive të fituara nga nxënësi;
- identifikimi dhe afirmimi i shkollave përmes rezultateve të nxënësve të tyre, me qëllim avancimin e reputacionit dhe atraktivitetit të tyre;
- identifikimi i nxënësve që janë me dhunti ose të talentuar në fushë të caktuar;
- pasurimi i procesit mësimor me përmbajtje të zgjeruar dhe të thelluar për nxënësit që tregojnë interes në lëndë të veçanta mësimore;
- përmirësimi i cilësisë së arsimit;
- promovimi i arritjeve të nxënësve dhe i punës edukativo-arsimore të shkollave fillore;
- inkurajimi i shpirtit konkurrues, punës në ekip dhe zhvillimi i tolerancës tek nxënësit; dhe
- pjesëmarrje në gara ndërkombëtare.

Neni 5

Garat mbahet për shkak të:

- shkëmbimit të përvojave dhe praktikave të mira ndërmjet mësimdhënësve;
- inkurajimit të zhvillimit profesional të mësimdhënësve;
- promovimit të nxënësve;
- zgjerimit të bashkëpunimit të ndërsjellë ndërmjet shkollave, si dhe bashkëpunimi i tyre me institucione të tjera;
- promovimit mediatik i arritjeve në punën edukativo-arsimore dhe
- promovimit të përgjegjësisë shoqërore të kompanive si formë mbështetjeje për garat.

III. ORGANIZIMI I GARAVE

Neni 6

(1) Për organizimin e garave, shoqata e mësimdhënësve parashtron kërkesë në Ministrinë e Arsimit dhe Shkencës (në tekstin e mëtejshëm: Ministria) për akreditim dhe organizim të garave pas shpalljes së thirrjes publike.

(2) Thirrja publike nga paragrafi (1) i këtij neni publikohet në ueb faqen e Ministrisë në tremujori i katërt i vitit shkollor aktual.

(3) Gjatë parashtrimit të kërkesës për akreditim, shoqata e mësimdhënësve dorëzon dokumentacion konform nenit 44 paragrafit (7) të Ligjit për Arsimin Fillor.

(4) Nëse në Thirrjen publike paraqiten dy ose më shumë shoqata të mësimdhënësve që i përmbushin kushtet nga neni 44 të Ligjit për Arsimin Fillor, Komisioni për akreditimin e shoqatave të mësimdhënësve vendos bazuar në kriteret shtesë.

(5) Kriteret shtesë nga paragrafi (4) i këtij neni janë:

- në pesë (5) vitet e fundit, shoqata e mësimdhënësve ka fituar vende, çmime ose medalje në gara ndërkombëtare, ku kanë marrë pjesë me ekipin e vet ose ku udhëheqës kanë qenë anëtarë të shoqatës (dëshmi: fotokopje të diplomave/certifikatave për vendet/çmimet e fituara nga nxënësit dhe certifikata për pjesëmarrjen e udhëheqësve);

(6) Kriteret shtesë nuk do të merren parasysh nga Komisioni për akreditimin nëse shoqata e mësimdhënësve që ka dorëzuar kërkesë për akreditim të ri, më parë i është hequr akreditimi për shkak të parregullsive të konstatuara gjatë zbatimit të garave në periudhë prej tre vite prapa nga dita e aplikimit. Në rast të tillë, përparësi kanë shoqatat e tjera që kanë aplikuar në thirrjen publike, nëse i përmbushin kushtet nga neni 44 paragrafi (7) të Ligjit për Arsimin Fillor.

(7) Shoqata e mësimdhënësve për organizimin e garave akreditohet për periudhë prej tre viteve shkollë.

(8) Për organizimin e garave akreditohet nga një shoqatë e mësimdhënësve për secilën lëndë mësimore, lëndë të përbashkët ose fushë shkencore, së cilës i përket lënda mësimore.

(9) Për pjesëmarrjen e nxënësve në gara komunale, rajonale dhe shtetërore, për të cilat shkolla ose themeluesi siguron mjete për tarifën e pjesëmarrjes, është e detyrueshme të ketë një renditje paraprake në nivel shkollor, në përputhje me planin e mëparshëm të kriterëve të vendosura nga këshilli i mësimdhënësve të shkollës.

(10) Plani për kriteret nga paragrafi 9 i këtij neni përgatitet bazuar në:

- propozime për gara nga mësimdhënësit e shkollës, të përgatitura nga grupet profesionale të mësimdhënësve për fusha të caktuara, bazuar në numrin e nxënësve me dhunti ose të talentuar dhe/ose për lëndët përkatëse të fushës së grupit;
- mundësitë financiare të shkollës për mbulimin e shpenzimeve të tarifës së pjesëmarrjes për pjesëmarrjen në gara dhe kuota e përcaktuar për numrin e nxënësve për të cilët shkolla dhe/ose komuna mund të paguajë taksën për çdo lëndë, fushë ose kualifikim në arsimin profesional për të cilat është planifikuar pjesëmarrja në garë.
- minimumi i pikëve të përcaktuara për pjesëmarrje në nivel më të lartë të garës (komunale, rajonale dhe shtetërore) për lëndë të veçanta ose fusha.

(11) Numri i nxënësve që kanë të drejtë për pjesëmarrje falas në nivel më të lartë të garës (komunale, rajonale dhe shtetërore) përcaktohet me vendim të këshillit të mësimdhënësve të shkollës, në përputhje me planin vjetor financiar të shkollës dhe bazuar në planin e përcaktuar nga paragrafi (10) i këtij neni.

(12) Minimumi i pikëve për pjesëmarrje në nivel më të lartë të garës përcaktohet me vendim të këshillit të mësimdhënësve të shkollës, ndërsa me propozim nga aktiviteti i mësimdhënësve për lëndë të veçanta mësimore, fushat.

- (13) Nxënësit që janë renditur për nivel më të lartë të garës (komunale, rajonale dhe shtetërore), sipas kuotës së përcaktuar për çdo lëndë mësimore, lirohen nga taksa e regjistrimit, ndërsa shpenzimet mbulohen nga shkolla ose themeluesi.
- (14) Nxënësit që nuk u renditën brenda kuotës së përcaktuar për lëndën, fushën ose kualifikimin në arsimin profesional në garën shkollore mund të vazhdojnë në nivel më të lartë të konkursit vetëm nëse plotësojnë pikët minimale të përcaktuara nga paragrafi (10), alinea (3) i këtij neni.
- (15) Për nxënësit nga paragrafi (14) e këtij neni, tarifa e regjistrimit paguhet nga prindërit ose kujdestarët e nxënësve.
- (16) Garat patjetër planifikohen në programin vjetor të punës së shkollës.
- (17) Shoqata e mësimdhënësve në ueb faqen e saj çdo vit shpall publikisht pyetjet, detyrat dhe/ose temat që janë përdorur në garat komunale, rajonale dhe shtetërore të nxënësve nga viti i kaluar. Po ashtu, ato duhet të përkthehen në të gjitha gjuhët mësimore në të cilat ka pasur pjesëmarrës në garat.

Neni 7

(1) Shoqatat e mësimdhënësve në kuadër të kalendarit trevjeçar për realizimin e garave komunale, rajonale dhe shtetërore në shkollat e mesme, e përcaktojnë muajin dhe vitin e mbajtjes së garave në nivelin përkatës (komunal, rajonal dhe shtetëror).

(2) Datat përfundimtare dhe koha e mbajtjes së garave përcaktohen pas koordinimit paraprak ndërmjet kryetarëve të shoqatave të akredituara, me qëllim që të shmanget mbivendosja e datave të garave.

(3) Datat dhe koha nga paragrafi (2) i këtij neni publikohen nga shoqatat e mësimdhënësve në ueb faqen e tyre zyrtare.

Neni 8

(1) Shoqata e mësimdhënësve, me rregulloren për organizimin e garave, përcakton mënyrën e organizimit të garave, kriteret më të përafërta për organizimin dhe realizimin e garave, qëllimet e garave dhe vlerësimin e rezultateve të nxënësve.

(2) Shoqatave të mësimdhënësve do t'iu merret akreditimi në rastet e mëposhtme:

- për shkak të mosrespektimit të dispozitave të Ligjit për Arsimin Fillor dhe kësaj Rregullore;
- nëse pyetjet e garës nuk janë në përputhje me programin mësimor;
- nëse nuk respektohen kriteret për organizimin e garave;
- nëse ka mospërputhje në renditjen e testeve; ose
- për shkak të mosrespektimit të konfidencialitetit të testeve.

- (3) Pas parashtrimit të kërkesës nga nxënësit / prindërit / kujdestarët në Ministrinë e Arsimit dhe Shkencës në lidhje me parregullsitë e identifikuar në zbatimin e garave nga shoqatat e mësimdhënësve ministri i Arsimit dhe Shkencës (në tekstin e mëtejshëm: ministri) formon Komision për përcaktimin e parregullsive.
- (4) Pas parashtrimit të fletëparaqitjes për parregullsi të identifikuar në zbatimin e garave komunale dhe/ose rajonale nga nxënësit/prindërit/kujdestarët/mësimdhënësit , shoqata formon Komision për përcaktimin e parregullsive, ndërsa përgjegjësinë për to e mban shoqata.
- (5) Komisioni nga paragrafi (3) i këtij neni përbëhet nga tre anëtarë, edhe atë: një anëtar nga Ministria, nga Byroja për Zhvillimin e Arsimit dhe nga Inspektorati Shtetëror i Arsimit.
- (6) Komisioni për konstatimin e parregullsive mund ta refuzojë fletëparaqitjen e parashtruar si të pa bazë , t'i japë shoqatës së mësimdhënësve vërejtje me shkrim për të eliminuar parregullsitë e konstatuara brenda afatit të caktuar, ose t'i propozojë ministrit heqjen e akreditimit të shoqatës së mësimdhënësve.
- (7) Nëse shoqata e mësimdhënësve nuk i eliminon parregullsitë brenda afatit të caktuar, Komisioni për konstatimin e parregullsive i propozon ministrit heqjen e akreditimit të shoqatës së mësimdhënësve.

IV. KRITERET MË TË PËRAFËRTA PËR ORGANIZIMIN DHE REALIZIMIN E GARAVE KOMUNALE, RAJONALE DHE SHTETËRORE

Neni 9

Kriteret e përafërta për organizimin dhe realizimin e garave të nxënësve për lëndë të veçanta mësimore, janë si vijon:

- Shoqatat e akredituara të mësimdhënësve organizojnë gara komunale, rajonale dhe shtetërore për lëndët e përgjithshme arsimore për lëndët/fushat mësimore për të cilat janë të akredituar,
- gara shtetërore për secilën lëndë të veçantë mund të mbahet nëse kanë aplikuar të paktën tre nxënës,
- nxënësi konkurren në gjuhën në të cilën ndjek mësimin, përveç nëse merr pjesë në ë garë në gjuhën amtare ose në gjuhë të huaj,
- për pjesëmarrjen e nxënësve në çdo nivel të radhës të garave (komunale, rajonale dhe shtetërore), përzgjedhja bëhet bazuar në rezultatet e arritura dhe listën e renditjes nga nivelet e mëparshme të garave,
- kalimi i nxënësve në nivel më të lartë të garave, përkatësisht në garat rajonale dhe/ose shtetërore, kryhet sipas kriterëve dhe kushteve të përcaktuara nga shoqata e mësimdhënësve.
- nëse për vendin e parë në garë në nivel shtetëror disa nxënës ose grupe nxënësish arrijnë të njëjtin numër pikësh, shoqata e mësimdhënësve që organizon garën përcakton kriteret shtesë, në përputhje me Rregulloren për organizimin e garave të shoqatës së mësimdhënësve,
- shoqata e mësimdhënësve e cila e realizon garën në nivel shtetëror mund të shpall vetëm një nxënës ose vetëm një grup nxënësish si fitues të garës,
- nikoqir i garës shtetërore mund të jetë instituti/institucioni i caktuar nga shoqata e mësimdhënësve me pëlqimin paraprak të marrë nga drejtuesi i institutit/institucionit,

- përmbajtjet/programet për gara në lëndë të caktuara, fusha përcaktohen nga shoqata e mësimdhënësve në përputhje me planet-programet mësimore,
- kohëzgjatja e garës dhe numri i pyetjeve/detyrave përcaktohet nga shoqata e mësimdhënësve që e realizon garën,
- vëzhguesit që e ndjekin garën i përcakton shoqata e mësimdhënësve në bashkëpunim me personin drejtues të shkollës, përkatësisht fakultetit,
- mënyrën e verifikimit të njohurive, aftësive, shkathtësive dhe kapaciteteve, përkatësisht mënyrën e prezantimit personal dhe interpretimit artistik, e përcaktojnë komisionet të formuara nga shoqata e mësimdhënësve që realizon garën,
- pjesëmarrësi i pakënaqur i garës (nxënësi ose mësimdhënësi i tij) mund të parashtrojë kundërshtesë deri te Komisioni për Vendimmarrje mbi Kundërshtesat i formuar nga shoqata e mësimdhënësve i cili e organizon garën nga neni 11 paragrafi (7),
- periudha kohore për vendimmarrje mbi kundërshtesën e parashtruar nga alinea 13 të këtij neni dhe për publikimin e rezultateve përfundimtare nga organizatori i garës nuk duhet të jetë më e gjatë se pesë ditë pune nga dita e publikimit të rang-listës preleminare,
- shoqata e mësimdhënësve pas mbajtjes së garave përgatitë shkallën e pikëve të nevojshme për fitimin e çmimeve dhe
- për vendin e parë, të dytë ose të tretë të fituar në garë shtetërore për lëndë të veçantë, nxënësi merr diplomë, mësimdhënësi i tij certifikatë, ndërsa për pjesëmarrësit e tjerë shoqata e mësimdhënësve mund të lëshojë diplomë për vendin e parë, të dytë ose të tretë të fituar dhe vërtetim/mirënjohje për pjesëmarrje në garë.

Ndarja e çmimeve (i parë, i dyti dhe i tretë) bëhet bazuar në shkallën e pikëve nga alinea 15 i këtij neni, ku disa nxënës ose grupe nxënësish mund të fitojnë të njëjtin çmim. Ndarja e vendit të parë bëhet ndërmjet nxënësve ose grupeve që kanë marrë çmimin e parë, ku mund të zgjidhet vetëm një nxënës ose një grup nxënësish -ai/ajo që ka fituar numrin më të madh të pikëve sipas shkallës.

Neni 10

- (1) Pagesa e tarifës së regjistrimit përfshin të gjitha tre nivelet e garës: komunale, rajonale dhe shtetërore.
- (2) Nëse në një komunë ekziston vetëm një shkollë fillore dhe për këtë arsye nuk organizohet gara komunale, tarifa e pjesëmarrjes përfshin garën rajonale dhe shtetërore për lëndën/fushën përkatëse mësimore.
- (3) Nëse në kuadër të rajonit të caktuar nuk janë paraqitur nxënës nga më shumë komuna dhe nuk ka kushte për organizimin e garës rajonale, nxënësit e paraqitur marrin pjesë drejtpërdrejt në garën shtetërore.
- (4) Pavarësisht nëse gara organizohet në komunë ose rajon të caktuar në përputhje me paragrafin (2) dhe (3) të këtij neni, tarifa e pjesëmarrjes të shoqatës është e detyrueshme dhe mbulon organizimin e garave në të tre nivelet: komunal, rajonal dhe shtetëror.

V. VLERËSIMI, RENDITJA DHE NJOFTIMI I REZULTATEVE TË GARAVE

Neni 11

(1) Mënyra e vlerësimit të rezultateve dhe renditja e nxënësve në garë janë në kompetencë të komisionit për vlerësimin e rezultateve dhe renditjen e nxënësve, e cila varësisht llojit të garës, mund të jetë komision komunal, rajonal ose komision për garë shtetërore, formuar nga shoqata e mësimdhënësi.

(2) Komisioni për garën shtetërore përbëhet nga të paktën tre anëtarë nga radhët e anëtarëve të shoqatës së mësimdhënësve që e organizon garën.

(3) Gjatë mbajtjes së garës shtetërore është e detyrueshme pjesëmarrja e përfaqësuesit nga Byroja për Zhvillimin e Arsimit, si vëzhgues.

(4) Shoqata e mësimdhënësve dorëzon me kohë kërkesë me shkrim ose përmes adresës zyrtare elektronike të Byroja për Zhvillimin e Arsimit, për nominimin e vëzhguesit për garën shtetërore.

(5) Vëzhguesi nga paragrafi 3 i këtij neni kryen mbikqyrjen e kontrollit të njohurive të nxënësve në garën shtetërore.

(6) Rang-lista preliminare nga gara është publike dhe shpallet në faqen zyrtare të internetit të shoqatës së mësimdhënësve.

(7) Shoqata e mësimdhënësve formon Komision për Vendimmarrje mbi Kundërshtesa, i përbërë nga të paktën tre (3) anëtarë për vendimmarrjen e kundërshtesave nga radhët e anëtarëve të shoqatës që organizon garën. Numri total i anëtarëve të Komisionit përcaktohet nga kryetari i shoqatës, varësisht numrit të kundërshtesave të pranuara.

(8) Rang-lista përfundimtare e garës është publike dhe shpallet në faqen zyrtare të shoqatës së mësimdhënësve, pas shqyrtimit të parashtresave nga e ana e komisionit nga paragrafi 7 i këtij neni

(9) Shoqata e mësimdhënësve mund të përcaktojë edhe lloje të tjera çmimesh për pjesëmarrësit në garë, si dhe çmime nga donatorët dhe sponsorët.

(10) Diplomat, certifikatat, vërtetimet dhe mirënjohjet nënshkruhen nga kryetari i shoqatës së mësimdhënësve.

Neni 12

(1) Shoqata e mësimdhënësve, pas përfundimit të garave, jo më vonë se 15 ditë, në faqen e saj të internetit publikon raport për rezultatet nga të gjitha nivelet e garimit.

(2) Shoqata e mësimdhënësve pas përfundimit të garës shtetërore, në Ministri dorëzon raport për rezultatet e garës, jo më vonë se 30 ditë pas publikimit të rang listave përfundimtare.

(3) Raporti nga paragrafi 2 i këtij neni duhet të përmbajë të dhënat në vazhdim:

- emri i garës dhe emri i shoqatës së mësimdhënësve që e ka organizuar garën
- vendi dhe koha e mbajtjes së garës,
- numri i pjesëmarrësve, numri i nxënësve të shpërblyer, mësimdhënësit e tyre (pasqyra tabelare – emri dhe mbiemri i nxënësit/grupit të nxënësve, emri dhe mbiemri i mësimdhënësit të tyre, klasa/paralelja, vendi i zënë, emri dhe vendndodhja e shkollës ku mëson nxënësi),
- lidhjet me tabelat me rezultatet përfundimtare nga të gjitha nivelet e konkursit të publikuara në ueb faqen e shoqatës,

- pasqyra tabelare e numrit të pjesëmarrësve sipas klasave në të gjitha nivelet e garës,
- pasqyra tabelare e numrit të pjesëmarrësve të shpërblyer sipas klasave në të gjitha nivelet e garimit.

VI. APLIKIMI ELEKTRONIK I VENDEVE TË FITUARA NË GARA SHTETËRORE

Neni 13

- (1) Për vendin e parë të fituar në garën shtetërore gjatë vitit vijues shkollor, nxënësi ose grupi i nxënësve, respektivisht mësimdhënësi i tyre, plotësojnë aplikimin elektronik dhe ngarkojnë dokumentacionin përkatës në formë elektronike, duke përdorur mjetet për identifikim elektronik përmes Portalit Kombëtar për Shërbime Elektronike ose përmes ndërmjetësuesit për shërbime administrative në mënyrë elektronike, në përputhje me dispozitat në fushën e menaxhimit elektronik dhe shërbimeve elektronike, si dhe në fushën e dokumenteve elektronike, identifikimit elektronik dhe shërbimeve të besueshme, në afatin e paraparë në nenin 44 paragrafi(13) të Ligjit për Arsimin Fillor.

Aplikimi nga paragrafi (1) i këtij neni duhet t'i përmbajë të dhënat në vazhdim:

- Emri dhe mbiemri i nxënësit/grupit të nxënësve, respektivisht i mësimdhënësit të tij;
- Diploma për nxënësin dhe certifikata për mësimdhënësin e tij;
- Adresa e vendbanimit, kontakt telefoni dhe adresa elektronike e nxënësit dhe e mësimdhënësit të tij.
- NVAQ i nxënësit dhe i mësimdhënësit të tij;
- Numri i llogarisë rrjedhëse dhe emri i bankës depozitues për nxënësin dhe mësimdhënësin e tij;
- Deklaratë për dhënien e pëlqimit për përpunimin e të dhënave personale.

VII. DISPOZITA KALIMTARE DHE PËRFUNDIMTARE

Neni 14

Për të përfunduar procesin e organizimit dhe realizimit të garave nga shoqatat e mësimdhënësve të akredituara, të cilave akreditimet u skadojnë gjatë viteve shkollore 2025/2026, 2026/2027 dhe 2027/2028, të njëjtat të vazhdojnë të jenë të vlefshme deri në fund të viteve shkollore të shënuara.

Neni 15

Nga dita e hyrjes në fuqi të kësaj rregulloreje, pushon së vlefshmi Rregullorja për mënyrën dhe kriteret më të përafërta për organizimin dhe realizimin e garave të nxënësve në lëndë të veçanta në nivel komunal, rajonal dhe

shtetëror në arsimin fillor nr. 18-6573/1 të datës 6.07.2020, nr. 18-3228/1 të datës 22.02.2021 dhe nr. 12-3710/1 të datës 29.03.2024.

Neni 16

Kjo rregullore hyn në fuqi ditën e nesërme pas miratimit të saj.

**МИНИСТЕРКА ЗА ОБРАЗОВАНИЕ И НАУКА,
MINISTRE E ARSIMIT DHE SHKENCËS,
проф. д-р Весна Јаневска, с.р**

Nr.12-15653/1

15.12.2025

Shkup